

嘉泰吳興志

吳興志卷十七

宋談鈞撰

賢貴事實下

烏程縣

據舊圖經所載七人吳吾粲晉王談潘綜吳達齊王靈  
鞠工遲工仲孚以今所錄加漢錢讓沈喻沈儀吳徐詳  
晉吳慶之宋工泉之齊工寂之太史叔明又陳武宣章  
后羊緝女佩任事見郡志賢貴事實下以本縣之境自  
秦至吳合與長興歸安三邑自晉以來分合不常故併  
附之郡

宋朝人物  
載附於後

葉參字次公國初州人業儒者身參卓然自立咸平中

登第爲舉子倡景祐中自兵部郎中出守鄉郡金部尙書王雅正作詩送之三司度支韓琦太常丞呂公綽樞紳祕書丞余靖曾公亮皆有詩餞其行今刻石郡庠葉清臣字道卿參之子天聖三年擢進士第二人不踰數年踐西掖北門之選訓章炳蔚馳譽當世父參知本郡公志便省親以太常丞集賢校理知宣州拜親於郡治桑梓榮焉公自爲詩在墨妙亭

葉夢得字少蘊參之族人年二十一中進士第初爲議禮選編修官對便殿徽宗異之除祠部郎累遷至翰林學士詔令得體建炎中召爲戶部尙書上疏論金賊利害凡數萬言除左丞再知建康移軍屯夔害立廬室民

皆復業以崇慶軍節度使致仕嘗築室卞山號石林遂  
歸老焉有易傳書傳春秋傳春秋讖論語釋言孟子通  
議又有文集奏議自序燕語避暑錄巖下放言家訓金  
石類攷老子解審是集行於世

張先字子野登進士第詩格清麗尤長於樂府有雲破  
月來花弄影浮蘋破處見山影無數楊花過無影之句  
時號爲張三影李公擇守吳興招子野及楊元素陳令  
與蘇子瞻劉孝叔集於郡圃號六客晚歲優游鄉里常  
泛扁舟垂釣爲樂至今號張公釣魚灣公仕至都官郎  
卒年八十九葬卞山多寶寺之右有文集一百卷惟樂  
府傳於世

賈收字耘老有詩名喜飲酒其居有水閣曰浮暉李公  
擇蘇子瞻爲州與之遊唱酬極多子瞻常遊何山道場  
山回值風雨艤舟於浮暉命官奴秉燭埽風雨竹於壁  
閒或刻之石今在墨妙亭收素貧東坡每念之嘗寫古  
木怪石書其後以贈耘老云今日舟中霜寒十指如懸  
槌適有人致嘉酒遂獨飲一杯醺然徑醉念賈處士貧  
甚無以慰其意爲作古木怪石一紙每遇飢時輒一開  
看飽人否莫若吳興有好事者能爲君月致米三石酒  
三斗終君之世者當便以贈之不爾可令雙荷葉收掌  
雙荷葉耘  
老侍姬須添丁長以付之也  
添丁耘  
老之子蘇去公作亭以  
懷蘇名之有詩一編號懷蘇集

賈安宅字居仁收之從孫年十八入太學升上舍二十  
二廷試魁天下召對除校書郎累遷至戶部侍郎兼太  
上皇帝潛邸贊讀建炎中以舊學爲給事中封駁無所  
回避歷仕三朝累司文柄其所選掄皆得成材徽宗嘗  
手詔獎諭之子選詳明典故通達法理今爲刑部侍郎  
吳侗字公度邃經術妙言語幼補太學爲第一崇寧五  
年羣試禮部又中第一吳興素號多士自開寶迄是年  
未有魁禮部者至侗鄉人榮之仕至刪定官所在又莫  
不敬禮

芮暉字國器烏程人與弟暉力學起家號二芮同入太  
學占選舍上游同登紹興戊辰第在館學雍容儒雅人

推重之後爲司業四方學者爲得所師晚歲詩益奇有文集藏於家暉今爲兵部尙書

胡子字元任父舜陟官至法從叔舜申舜舉爲郡守皆能知名仔少無宦情自號茗谿漁隱留心吟詠取自古詩人所作攷之傳記爲叢話百卷行於世弟仰今爲郎官見舊編

沈清臣字正卿登紹興丁丑進士第上書論諫官不當用歸正人語侵時宰貶封州放還隱居城南號晦巖枊書堂以來四方學者召入遷至皇子嘉王府翊善丐祠卽所居沼圃築亭揭閣目曰潛谿多所賦詠後以祕閣修撰終於家

歸安縣

沈伯儀其餘並互見烏程宋朝人物附載於後

朱臨登皇祐元年進士第嘗從安定先生學及安定歿以其學爲鄉邦學者所崇儒風日盛仕至祕書丞有學田記宣化院記傳於世

劉述字叔孝登景祐元年進士第爲温州守民俗婚嫁以資幣相高述爲裁制之爲三第階等過時者有罰入爲侍御史知雜事大臣新用事置條例司述與劉琦錢顛力詆之又新制謀殺人自首者減等坐述又奏長惡惠姦不可啟乞重議被劾司馬光上疏申救不報謫居



江左曾孫岑亦中第紹興中至戶部侍郎倜儻高義人多稱之

劉一止字行簡述之族孫登宣和三年第爲紹興府教授太守翟汝文閒出所爲文屬之定彙紹興初召試除校書郎爲類試考官眾敢得文章典重者一止袖出一卷曰是宜第一及揭榜乃張九成眾甚厭服後爲給事中封駁不避權貴致仕歸年八十三卒爲制誥有體詩典麗樂府尤工有類彙五十卷茗谿集三十卷傳於世從弟寧止亦中第至法從立朝鯁亮建炎中論疏多剴切

莫君陳字和中從安定先生學登嘉祐二年第熙寧中

新置大法科首中其選甚爲王安石器重御家嚴整如  
官府東坡有西湖跳珠軒詩贈莫同年卽君陳也長子  
砥字彥平智識疏通嘗知永嘉生徒頗衆而養士額少  
公爲增額士感之爲立生祠子伯虛爲郎繼守溫立思  
齊堂爲文以記其事後知常州和氣所召春有瑞梅甘  
露夏麥秀兩歧秋禾合穎皆瑞應也後退居里社注意  
佛書撰修行淨土書法門華嚴經意並刊行於世又釋  
楞嚴圓覺經意藏於家諸孫濛法科進至刑部侍郎漳  
登進士第今爲郎漳子柯戊成年登進士第  
莫礪字彥輔君陳第二子有子曰伯鎔字器之少有高  
世志年五十卽歸林以迎師教子爲事子三人曰濟曰

汲曰冲皆有俊聲擢進士第時號三莫後濟冲又中博  
學宏詞科濟温粹和易而立朝鯁亮毅然不可移爲給  
事中封駁有聲嘗知温州以儒雅飾吏事爲明州長史  
輔以正道後知泉州所至皆稱循良礪有孫曰澄庚辰登  
進士第亦知名於時

俞汝尚字退翁以字行登慶歷二年第嘗爲益州新繁  
令御史員闕驛召至都下以疾力辭後爲青州僉判致  
仕還鄉滕甫有送行詩云清明冲節是身謀御史郎官  
不肯留回首軒裳雙脫屣放懷天地一輕漚卞雲茗月  
柴門靜菱雨蘋風野艇秋仰羨冥鴻空自媿區區圖報  
未知休歸逾年臥病夫人視之公曰人生七十者稀吾

與夫人皆過之可往矣夫人曰我先去退翁曰善後三日夫人黃氏沐浴化去退翁自爲文誌墓明日召諸子曰我行矣俄而隱几而終高郵孫覺撰墓表秦觀書

姚舜仁字令由元豐八年登第爲太學正召對稱旨除館職遷庫部員外郎進明堂定制圖并敘上賜對褒獎降詔可其奏又換明堂訓解一卷擬復上之而疾弗果後兄舜哲表進以成其志

沈該字守約歸安人

王

父時升兄調皆中第該亦以上

舍釋褐處鄉里以和易謙退稱每出人喜見之日爲三大夫紹興八年金人在淮泗遣使請和上疏論之朝奏夕召後爲禮部侍郎出知潼川夔府召還除參知政事

舊吳興丁身歲輸三十有奇公奏減五分之四鄉人德之公遂於易撰小傳六卷其說以左氏變卦爲文嘗進之高宗降詔褒獎今刻石於其私第又有文集五十卷律詩三百五十篇雜著一百篇

周操字元持氣岸磊落登紹興乙卯第知徽州黟縣以忤權要出職後除國子學錄嘗論對上意欲興武學以問操操歷以本朝建置之因對遂兼武學博士後歷言路升八座及爲詹事東宮加禮敬焉有奏議二百篇藏

於家

見舊編

葛邲字楚輔孝宗時同知樞密院事光宗時升右丞相配享光宗廟廷

長興縣

吳興自錢林於漢元始中隱於平望鄉陂門里梓山其名已顯及晉陳達悅其山水乃遂家焉後達生陳高祖傳世者五一時人物之盛表表可紀已載賢貴事實及唐錢九隴徐齊暉徐堅及其諸女相繼於後事亦書賢貴事實下宋朝人物附見於此

劉誼字宜翁許安世榜中丙科熙寧中持節南方請罷買沈香減鹽價凡四十餘事帝詔輔臣曰劉誼論事有陸贄之風王安石銳意新法誼上疏極諫其不便坐是廢黜從異人授出世法遂隱三茅山十年不出有詩云曾跨江西使者鞍舊言讒上使休官三茅得夢全清瘦

高八二  
頭髮鬚髻布襖寬東坡自嶠南以書問道曰或有外丹  
已成可助成梨棗者望不惜分惠又曰先生筆端有口  
足以形容難言之妙軾亦眼中無翳必能洞曉不傳之  
意有文集三十卷奏議四十卷今傳於世

劉燾字無言宜翁次子未冠游太學與陳亨伯俱以八  
俊稱會試史官策或戲之曰子平時好論將教授以破  
題乎燾卽下筆曰秉史筆者權猶將也君命有所不受  
焉衆歎服東坡知元祐三年舉讀其文曰必巖谷間苦  
學者中第三人廷對又中甲科東坡薦燾文章典麗可  
備著述科帥中山時以蜜漬荔枝遺之詩末章云詩清  
眞合與君嘗歸朝趙民彥嘗云在虜中飽觀君文尤善

書筆勢邁邁山谷謂江左復生羊欣薄紹之矣在館中  
時被旨修閣帖十卷所謂續法帖者是也嘗注聖濟經  
編修道史有遺文五十卷號南山集

劉珏字希范宜翁之姪幼入太學時道鄉先生鄒浩在  
諫垣以直言竄謫後召爲舊職珏以書規切之京師傳  
誦比韓愈諍臣論登進士第累官至主客郎靖康初詣  
中書極論天下事除中書舍人建炎初以資政殿學士  
同知三省樞密院事累疏陳守禦之策時黨籍子孫尙  
未錄用公悉奏任之有吳興集二十卷奏議五卷藏於  
家

劉度字汝一博覽強記內翰汪藻奉祠領日歷寓居西



言元十一  
寺一見異之以制科表薦登紹興己丑第後歷臺諫辛巳歲虜人叛盟條陳三策大駕巡邊留居諫省上卽位抗疏陳春秋正始之道去國居里貧無戚戚之態有傳言鑑古五十篇雜文三十卷藏於家見舊編

施元之字德初官至左司諫

劉三傑字漢臣累至臺諫後爲臺端擢爲吏部侍郎

### 武康縣

武康人物舊圖經所載沈勁以下二十七人餘英志黜其二沈眾姚紹而增十有五而入爲近世之名卿士則自唐以前爲三十有四而統記所載沈伯儀等九人則又立志去取猶有未盡今摭史傳所載自吳以下總三十七

而三十一爲沈姓焉時尙未分德清也以故因史傳所書曰武康人合於郡之賢貴事實下宋朝人物附載於後

成無玷字士穀登進士第建炎中自剛定官除知鄂州守禦遵古兵法都督張俊薦之朝太上皇帝累賜御札獎諭未幾鞅鞢字堇園之甚急無玷堅守堇竟引去後因晨起巡城霜滑墜足而卒

劉士英字冲發以上舍擢第爲温州教授方寇之擾士大夫皆避去士英獨留聚官兵保甲守禦州賴以全後通判太原金人大入與將王稟堅守自乙巳冬至丙午秋城中食盡王稟赴火自盡士英戰死見舊編

施鉅字大任官至參知政事

德清縣

德清縣在武康未析之前人物竝見武康志自唐天授已析之後如沈傅師統記以爲德清人唐史又以爲不然及本朝王文正公作墓表其言自有證今附之德清人物

沈嚴字叔寬幼負器識善屬文大中祥符八年中禮部第四人廷試甲科國家興山澤之利主計薦公監洪州武寧茶場兼領本邑事吏畏其廉民愛其慈及卒貧不能葬太守滕元發葬於縣之永和鄉范文正公與之同年爲銘其墓

沈瑄字次律嚴之族人父彥明叔彥聲皆登第瑄少游學深於春秋爲文章尙氣節尤好吟詠後至燕雲提舉郭藥師敗粘沒罕勢甚熾士大夫皆束手瑄獨毅然不屈雖臨以刀刃終不變逃歸詣闕獻策不用著南歸錄以摠忠憤遂還里中自號柯田山人終老焉子正度今爲郎

沈與求字必先瑄之從父中何棗榜第爲杭州儀曹胥吏畏其剛介召試授館職後爲侍御史遷中丞風采聳動一時中興臺綱之振始於此爲吏部尙書銓選清明爲翰林學士詔令有西漢風骨後除參知政事進知樞密院有龜谿集三十卷傳於世

沈介字德和彥聲之孫年十八登進士第又中博學宏詞科除祕書省正字後爲中書舍人以次對出知平江府召歸上疏甚剴切備言虜人必爲患明年虜犯兩淮乃以兵部尙書爲荊湖制置使風采震聳邊郡再知平江一知成都皆繁劇郡爲政綽有餘暇豪猾斂避平生奏議及著述皆未編次見舊編

沈夏字得之嘗爲蜀帥孝宗時僉書樞密院事

李彥穎字秀叔孝宗朝兩爲參知政事獨當國柄

### 安吉縣

圖經載施咸等八人許頤于數吳均共十一人統記載共三十一人施十五人 萬十四人 吳二人據三國

志朱治然績各有功業已載郡圖經宋朝人物附載於後

吳可幾好古博雅與弟知幾相繼登進士第時號二吳可幾仕至太常少卿著千姓編凡論姓氏所出

於世知幾至郎官嘗守其父屯田郎墓三年平地出泉人皆異之號孝子泉見舊編

沈樞字持孝官至太子詹事

進士題名

郡之登進士科者唐至宋初無題名嘉祐八年知州事張田始刻石於郡學經史閣下之右序自慶歷二年本州及游學之士咸追書之爾後相繼不絕至崇寧二年

後止書本州之士政和八年以來又闕不錄紹興三十年提點本路刑獄呂廣問攝郡事迺屬教授陳叔達併錄刻焉淳熙二年教授虞儔又附載其在祖父昆弟之登科者名於下今錄如右

慶歷二年楊寘榜 俞可 俞尙 臧緯 劉達

慶歷六年賈黯榜 陳舜俞 李軻

皇祐元年馮京榜 盧秉 劉握 丁伯初 朱臨

沈伸 姚舜誥 丁錞 陳樞 徐絳 周之彥

皇祐五年鄭獬榜 周景賢 李恂 沈振 周之道

莫士光

嘉祐二年章衡榜 張修 施碩 莫君陳

嘉祐四年劉輝榜 陳皓

嘉祐六年王俊民榜 陳幾 姚安世

嘉祐八年許將榜 俞温父

治平二年彭汝礪榜 吳彖 范彖 劉臨

治平四年許世安榜 劉誼

熙寧三年葉祖洽榜 俞純父 朱早 劉損 許彥

臧詵 戚山 方蔡 施耕 劉極 沈佑 管太

初

熙寧六年余中榜 朱服 陶兌 沈彥明 丁注

蔡蹈、汪聞 張易直 張著 陸元光 徐唐臣

胡解 周之才 沈特 方景 沈寅 丁演



熙寧九年徐鐸榜 霍同 沈倚 葉勤 丁維 徐

允文 張茂直 葉劭 沈倫

元豐二年時彥榜 沈子 陸元賓 沈仍 陳杞

丁掌 黃居 朱率 臧詢 沈偕 吳植 宋前

嚴應期

元豐五年黃裳榜 袁應中 楊詢 莫倚 張湜

周需 陸元成 沈彥聲 李穀 莫羣 徐元 張

稚通

元祐八年焦蹈榜 姚舜仁 魯伯能 周天倪 沈

純誠 姚祐 王履 鄭奕 太史章 劉定國 朱

級 張諶

元祐三年李常寧榜 劉燾 李肱 丁沔 莫偕

李疇 陳敏功 史先能 俞隆道 戴懷 王頤

劉全

元祐六年馮涓榜 劉安止 朱任

紹聖元年畢漸榜 朱南強 宋彥弼 卜僂本 姚

侯

紹聖四年何昌言榜 張大成 周敦 周知微 沈

章 曾綸 盧贊 何達 顧天經 葉筠 周衮臣

王霖

元符三年李金榜 余拂 陶旒 吳彥 沈時升

費若 周天益 范贊 吳天將 徐繹 吳燠 韓

奕 王遵道

崇寧二年霍端友榜 沈純道 楊天倪 莫汝明

張維 吳升 張汝舟 張湍 朱种 丁挈

崇寧五年蔡蕤榜 劉珏 上舍 成無玷 張同 王

翽 上舍 金譽 吳倜 省元 李預 郝表 沈純正

丁安常 劉拱 沈毓 呂之望 練表

大觀三年 賈安宅 狀元 張大受 郝嘉謀 陳湯

求 上舍 張汝欽 夏千之 丁安止 鍾鷹 錢楊 上

舍 曹宗臣 施敦仁 成能

政和二年莫儔榜 蔡調 上舍 吳价 上舍 沈調 上

舍 沈欽止 上舍 劉士莫 上舍 莫廷詢 上舍 陳

大聲 進士

萬沖

俞汝明

任居中

沈與

政和五年何棗榜

錢葉

上舍 臧俞榜  
第三名 輝 碣

沈與求

上舍

吳竝 上舍

沈友誼

入行

姚殼

進士

盧長卿

進

士

吳師直

太醫學  
上舍

劉嶠

入行

史祺孫

上舍

朱

蹕 上舍

周敷

入行

鄭績

太醫學  
上舍

劉唐賓

上舍

姚處厚

毛選

沈毓

政和八年嘉王榜

莫仲珪

上舍

沈昭遠

上舍

沈

該 上舍

王翰

將赴  
殿試

徐抑

上舍

徐念道

上舍

莫

庭芬 上舍

施銳

上舍

蔡德升

上舍

沈璫

藻廳

張擇亨

施中行

吳景溫

潘慶

李中

宣和三年何煥榜

劉寧止

潘蕢

王秉

方之平

劉一止 韋積 姚溪 鍾燮

宣和六年沈晦榜 賈安常 朱克明 丁昌朝 莫

若 師諶 杜大成 劉岑 莫芬份

建炎二年李易榜 嚴抑 沈震 盛光祖 沈長卿

陳澥 朱詢武 潘莘 石茂良 沈濬

紹興二年張九成榜 劉知昌 朱三思 施渙之

陳綱 徐楊 王古思 錢洵 范彥輝 陳琦 附申

紹興五年汪應辰榜 丁雄飛 沈作詰 周操 方

梓

紹興八年黃公度榜 林孔彰 談誼 錢建 沈晞

顏 劉嶸 倪偁 莫濬 沈介 吳允協 姚蹈

朱岳 葛立方

紹興十二年陳誠之榜 楊郢弼 嚴康朝 范梓

沈敷 李彥衛 朱安時 魯藝 沈汝一 方溥

施士衡 方竅 王存之 郝次雲

紹興十五年劉章榜 趙之輔 嚴祝 莫濟 劉度

沈樞 陳則 李渥 袁綜 莊衡 周頤 談慮

潘良翰

紹興十八年王佐榜 莫汲 芮輝 李彥穎 朱三

省 萬介 王康年 莫沖 施貫之 葛邨

紹興二十一年趙達榜 王獻民 李木 張俊民

黃元遜 姚仲 欽楚 林次齡 盧嶼 施知彰

周蒙 諸觀 方將 沈復

紹興二十四年張孝祥榜 周碩 莫源 李昱 朱

鼎 鄭南 張潛 施元之 李濬 袁損之 汪安

行 葛鄰

紹興二十七年王十朋榜 鄭承 吳允成 莫澄

太史邵

紹興三十年梁克家榜 丁軻 吳芸 沈祖德 鄧

倫 周祐 芮嘉言 練夢鵬 沈瀛

隆興元年木待問榜 林垞 顧待問 丁光逮 周

華 俞淪 顧強 劉國賓 李冰 呂旦 莫祥

盧峴 葛鄰

乾道二年蕭國梁榜 朱繹之 丁敦夫 倪思

劉三傑 章深 莫樞 章潛 吳東 滕良知 劉

庚

乾道五年鄭僑榜 莫漳 朱逮 施邁 沈鑑 王

邁 孟必先

乾道八年黃定榜 李沐 孫僑 陳南 王孝嚴

丁夢錫 盧宜之 沈作霖 濮坦 朱辟非

淳熙二年詹睽榜 倪恕父傅弟思 劉棠 周常 韋梓

孫曄 劉深之父庚叔

淳熙四年皇帝幸太學釋褐 魯東禮

淳熙五年姚隸榜 李尙兄冰 練文祖表 談子英



伯誼  
叔慮

上思齊 上舍

章泳 曾祖悖祖擇父係兄深

劉宗 伯祖十英

倪愿 父再兄恕弟思

莫柯 祖仲珪父璋

吳衛 章良能 父駒

王中立

淳熙八年黃由榜

談鑰 伯誼父慮兄子英

顧簡 上舍 章

變 吳華 上舍祖偶兄芸

芮宦言 伯燁叔燁兄嘉言

朱端常

淳熙十一年衛經榜

劉庶 上舍叔知伯兄度庚姪深之

章良肱

父駒弟良能

李日與 傅良 胡修 金堪 曾叔祖譽

孟醇

兄致誠姪孫必先

李翱 朱常 趙汝儼

淳熙十三年太上皇帝慶壽上舍釋褐 錢重

淳熙十四年王容榜 劉開之 沈觀 茅無競 朱

景獻 林煒 吳勸 朱髮 莫彬 沈有成 張嘉

謀 朱儕 趙彥制

淳熙十六年二月皇帝登極上舍釋褐 沈端叔 臧

辛伯

紹熙元年余復榜 劉序子開 沈葵曾伯 陳昂兄

則 劉伯麟 朱偃弟齊 王田兄中 朱應佯 趙

善勛 趙汝鳴兄汝 趙希寶弟希 趙汝嬰弟汝

紹熙四年陳亮榜 俞灝兄希尹先疑平 陳湘姪捕

劉依之父度叔庚 丁端祖曾叔維伯祖安常 趙

師道 朱申兄偃 俞儕沂 趙時逢 袁聘儒 李

岑曾伯祖友諒曾 陳至伯則 陳眩 施一鳴曾叔

伯祖交聞伯祖仇 陳壁曾叔 趙

紹熙五年覃恩釋褐榜 萬夢實 祖介

慶元二年鄒應龍榜 陸談經 顧元龍 陳有成

林漬之 弟 莫汶 李天益 石宗玉 張準 曹待

聘 趙師鼎

慶元五年曾從龍榜 韋炎 周師威 何澧 趙汝

榛

列婦

孔氏婦吳三郡國志云婦有八子皆訓以義方夜則讀書晝則力田漢哀帝時俱爲郡守後人因名其居曰八子墩在烏程西三十八里

乘公濟妻姚氏南史云吳興人生二男而公濟及兄公

顧乾伯竝卒各有一子姚養育之賣田宅爲取婦自與  
二男寄止鄰家事聞詔婚其二子仍旌表其里閭復徭  
役

羊緝女佩任南史云烏程人隨母還舅氏母亡晝夜號  
哭不飲食三日而亡鄉間號曰女表齊春秋云止緝女

釋道

法願統記云俗姓鍾長城人宋孝武帝及高帝悉敬仰  
之願遭兄喪乞還卽至鄉赦旨重疊駕親自幸以伸省  
慰願遣弟子拒云鄉疾未消不堪相見帝乃轉蹕文惠  
太子嘗往寺問訊願不命坐文惠作禮而立乃謂願曰  
藻吹清鏡以爲供養其福云何願曰菩薩八萬使樂尙

不如志心今吹竹管子打死牛皮何足道哉其秉德邁時皆此之類後入定三月不食忽語弟子曰汝失餅籬矣尋卒

慧進高僧傳云慧進俗姓姚吳興武康人昔在凡之時性曠邁不拘名節中年意有所悟乃始出家常聚錢願造法華經一百部經營未成聚得錢一貫六百元羣盜聞慧進欲造百部法華經謂其房中厚蓄資財遂劫而問曰師有幾錢慧進云貧道惟有造經錢一貫六百元在某處羣盜覩然相顧而散及經成忽聞空中有人言曰汝願足矣當生西方永明四年無病而卒時年八十有五矣

法朗俗姓吳氏吳興人住武康縣家世遭禍因往建業  
大明七年與兄法亮同出家爲沙門初亮履行高潔經  
戒修整朗稟性疏率不事威儀注涅槃經勒成部帙而  
言譴調笑不擇交遊高人勝己者少見齒錄卒於天監  
年中

慧巨字智洪俗姓錢長城人年十四出家梁武帝嘉之  
敕有司賜衣鉢與陳文帝爲出塵之友及帝踐阼情好  
益深每乘四望車入宮內宣帝卽位禮接彌厚敕請爲  
吳興大僧正住天居寺事見道宣下第慧壽亦長城人  
事見隋官師傳

法禮俗姓包少出家好救人疾病素不知醫方藥術以

意療之無不痊效又不曾習易占候之書驗陰晴雨雪  
十不失一又同侶過揚子江至淮南遇風濤一舟人畏  
懼禮立於船前攘臂張眉曰江神汝何不收風止波使  
吾船人平俄而風波恬息安然濟岸武后徵爲國師居  
龍興寺又武后朝包氏子於上强山中逢一白鹿吐兩  
珠於地光輝可愛乃以一珠吞之其一珠歸以獻母置  
於山中光照一室後乃以一珠捨入棲流寺殿檐額山  
包氏子出家爲天台也

道宣俗姓錢長城下箬人也唐初母姚氏夢日入懷宣  
在孕十二月以四月八日生又嘗夢一僧曰夫人懷之  
子乃梁朝祐律師捨出家年十三學綜經史名通天下

隸名山豐德寺嘗有天師神采謂曰師當生彌勒宮中  
道一書曰此乃棘林天帝所燒者以其年冬卒著內典  
書數百卷行於世

慧壽俗姓謝長城人住西水寺持法華經天旱求雨時  
有一綠衣人云吾是此山張水曹神將請於大山師若  
要水一小吏與師行雨忽一夜大雨發洪水數家悉被  
漂溺旬日又見前使者所著綠衣人領一小吏屈膝脫  
背示鞭笞之痕謂慧壽曰小吏行雨頗不用心已科數  
下訖

法瑀俗姓沈八十五禪坐而終數年始葬建塔其顏貌  
如生鬚髮長數丈高僧皎然爲其立碑



以上本上人

道祥俗姓顏容貌奇偉作天竺婆羅門狀幼通大小乘經與烏程習法師最相友善習嘗夢道祥來謂貧道悉是維那佛也今因緣且盡故來相別耳習驚覺俄有長城信至云祥法師已卒

清書字皎然謝靈運十世孫天資疏野多神思居郡中興國寺西院尤工五言詩與刺史顏真卿諸名士酬唱及預撰韻海鏡源著儒釋交遊傳及經典類聚四十卷又有茶訣一篇後元和四年刺史范傳正典會稽僧靈徹同過舊院題詩云道安已反無爲鄉悉遠來過舊草堂余亦當時及門者其吟佳句一焚香宋蒿頭院序

之云唐僧皎然以道稱於吳諺美之曰雪之畫能清秀  
又作詩云畫公文章清復秀天與其能不可隔僧攻文  
什自古有出拔須尊畫爲首凡七絕韻

惠覺俗姓丁唐朝人禪坐一牀致絕糧終年所居興化  
寺降甘露之祥

慧隱俗姓陳住報德寺所居房中除三衣外不置一物  
足不履俗家常日夜誦法華經兩徧澡瓶浴盆將盡輒  
滿每擬誦經香無故自然芬馥

道虬俗姓張住長興報德寺通內外典籍尤善談論友  
人校書郎包融爲之贊序云沙門道虬年三十三立才  
獨行亦猶山有鳳皇之雛林養狻猊之子凡百羽毛之

族無不祇畏

慧暢公姓徐不學於師至契心印嘗織芒躡蒲履之屬於山中道上一日謂弟子曰吾聞天台山有凱公遺跡思暫往焉言訖便行躋山涉澗不由道路長城曲水寺去天台八百餘里後有人從天台來計暢之程一日而至後忽令人洒埽曰今日將有客至齊訖趺坐奄然而逝

慧解俗姓陳有至行常多學徒於天目山坐夏屬歲旱齋糧不足僧眾將欲下山解乃賣身得錢穀絹帛以給之沙門孖山皎然萬谿道祥虎丘法簡時相友重請住蘇州流水寺

法瑤高僧傳云法瑤俗姓楊河東人元嘉中過江值沈  
臺真請居武康小山寺講大品維摩涅槃等經永明中  
敕吳興禮致上京年九十七歲

法訓居馬勁山蘭若山中舊多蛇虎法訓至夜夢一千  
人云和尚在沈弟子當爲和尚驅逐山中害蛇虎乃自  
此而絕

慧纂俗姓陳住吳興長城人居寺精於學業年十三卒  
以上係住院僧

法照唐朝吳興人也姓黃氏學道內外武后賜墨敕禮  
爲門師居重光寺

慧澤俗姓□吳興長城人涉獵諸史有文采出家通內

外典四部之書住重明寺見梁書

以上尼二人

孟翼齊春秋云烏程人造正一論言佛之與道一也  
戴洋字國游吳興長城人年十二病死經五日復蘇乃  
自云入使爲酒藏史授符籙麾節昇蓬萊崑崙積石大  
室匡廬等山逢一老父謂曰汝當得道善風角占候儿  
所試驗百不遺一

沈法護吳興德清人幼聰智爲葉天師弟子景雲二年  
執墨敕使江南十二州采藥

回道人回仙錄云吳興之東林沈東老能釀十八仙白  
酒一日有客自號回道人長揖於門曰知公白酒新熟

遠來相訪願求一醉實熙寧元年八月十九日也東老見其風骨秀偉蹇然起迎徐觀其碧眼有光與之語其聲清圓於古今治亂老莊浮圖氏之理無所不通知其非塵埃中人也因出酒器十數事於席閒曰問道人善飲欲以鼎先爲壽如何道人曰酒器中惟鍾鼎爲大屈卮螺杯次之而梨花蕉葉最小請戒侍人次第連斟當爲公自小至大以飲之笑曰有如願愷之食蔗漸入佳境也又約周而復始常易器滿斟於前笑曰所謂杯中酒不空也回公興至卽舉杯而盡乃命東老鼓琴回乃浩歌以和之又嘗圍碁以相娛止弈數子輒拂去笑曰祇恐碁中爛斧柯回公自日終至暮已飲數斗無酒色是

夕月微明秋暑未退蠹蚋尚多侍人秉扇驅拂偶滅一燭回公乃命取竹枝以餘酒噴之插於壁閒須臾蠹蚋盡棲於壁而所飲之地灑然東老欲有所叩先記以求驅蠹之法回公曰且飲小術何足道哉聞公自能黃白之術未嘗妄用且篤於孝義又多陰功此予今日所以來尋訪而將以發之也東老因叩長生輕舉之術回公曰以四大假合之身未可離形而頓去惟死生去住爲大事死知所往則神生於彼矣東老攝衣取謝有以喻之回公曰此古今人所謂第一最上極則處也此去五年復遇今日公當化去然公之所鍾愛者子偕也治命時不得見之當此之際公亦先期而知謹勿動懷恐喪

失公之眞性東老領而悟之欲將達旦則甕中所釀止  
留糟粕而無餘瀝矣回公曰久不游浙中今日爲公而  
來當留詩以贈然吾不學世人用筆書乃就擘席上榴  
皮畫字題於庵壁其色微黃而漸加黑其詩曰西鄰已  
富憂不足東老雖貧樂有餘白酒釀來緣好客黃金散  
盡爲收書已而告別東老啟關送之天漸明矣握手竝  
行矣約異時之集至舍西石橋回公先度乘風而去莫  
知所適

葛洪嘗隱居於葛仙山今山有煉丹竈搗藥臼存焉風  
雨之夕丹或顯現職方圖志葛仙煉丹處天下有十三  
烏程居其一又子城北天慶觀西有煉丹井里俗傳云



葛仙翁嘗於此井汲水煉丹焉

薊子訓風俗通云子訓藝明方術解分身王儉姓系云子訓漢時隱身於吳郡餘不鄉今在武康縣界也尋卒葬於烏程縣湖跌山

馬自然有人於白塔巷釀酒出賣遇道人馬自然常來賒酒而飲不醉無歸如是日居月諸主人供侍無懈一日道人沈湎謂主人曰我今日已得仙矣所哺酒價焉敢輕於酬遂出囊中藥點化賣酒鐵井竝爲紫金便卽界下雲生一昇而去士庶登店前谿橋望觀如堵咸見入雲而去其橋遂得名望仙江子匯頗多蝨蚋自道人馬自然泊舟之後至今其處不生暑月居人坦然無苦

姚紵嘗於白鶴山觀棊爛柯於此山化爲白鶴而去後人因以名焉括地志云安吉縣有五山昔鄉人姚紵者采樵於山遇仙及還自入甕中隱其身謂家人曰可七日勿開期未至而家人開之紵變爲白鶴飛去

陸修靜隋時爲道士沒於烏程縣東仙潭更數月乃出後人因以名焉

施績女吳時驃騎將軍西陵督故鄣施績女得道內傳云績有女名淑昔有仁信今聞得道今在東洞天中屢遷官

張志和續仙傳張志和號玄貞子嘗爲漁父詞後於湖州刺史顏真卿坐上雲鶴翔集飛升而去餘見事物雜

志玄真子下

沈義吳興人躬耕於野棄耕具而亡家人求之不得自是聲跡宵絕子孫相傳以爲羽化邑人莫之信也齊永明二年乃歸訪舊廬謂其耳孫曰吾爲汝家四世祖在西蜀之西以符藥治病有活人功上帝授我白玉簡爲碧落侍郎今歸以告汝倏忽不見邑人聞之駭異遂以其地建道觀設祠塑像以奉之事見太平廣記今觀之東偏環翠堂有唐人詩云碧落新除沈侍郎便驅旌節治東方不知今夜游何處從者皆騎白鳳皇宋崇寧大觀間有內庭女道官鍊師孫千霞夢一道士披采霞衣來言曰吾武康人也在碧落中有仙職時薄遊塵世與

道觀里域真官爲鄰與子有宿緣他日當相遇於彼千  
霞覺而茫然不知武康爲何地及靖康之亂避難南方  
依直省官石防禦者家於德清之茗邨始知武康爲吳  
興屬邑一日石氏設大醮羽衣畢集邑之主觀道士姜  
景良與焉千霞具以夢告景良曰卽吾邑沈義也初堂  
在里域真官之左千霞感慨流淚亟造延真觀焚香設  
禮瞻仰塑像拜而起曰真吾夢中所見也遂捐囊中金  
徧施黃冠而去千霞後於富陽泰元山建紫霄宮其徒  
數百人年八十有九忽領髭蔚然叢生越三年羽化真  
異人也見餘英志

右神仙

吳興志卷十七

吳興志卷十八

宋談鑰

碑碣

州治

唐太宗御製聖教序

僧智永集王羲之書在墨妙亭

唐開元皇帝封文宣王詔

在州學大歷四年別駕孫沛立王右軍十六代孫榮書

敕天下放生池碑

在魯公祠唐肅宗御書題額銀青光祿大夫使持節昇州諸州軍事昇州

刺史充浙西節度使兼江寧軍使柱國丹陽縣開國侯臣顏真卿撰并書以大歷八年於州駱駝橋北建

乞御書題額恩敕批答碑陰記

唐金紫光祿大夫行

國公顏真卿撰并書又載團練副使別駕盧元自

徐自然劉抗長使鄭滔王叔卿徐曄司馬張彥珩黃持

志姚執珪錄事參軍路惟衡曹友誥康造張王湜姚觀  
司兵劉中參軍鄭真司倉杜無惑司法談佚王湜姚觀  
一嘉業堂校刊

司戶武叔章準張庭秀王應司田元沛王鈺司土郭漸  
李羣劉德敏同團練副使前殿中侍御史李萇烏程令  
李晤丞李佶徐彥雲李抱虛主簿李翼尉顧察詳希鑄  
呂遙揚使長城令朱自勉丞徐明權施惠整顏怡主簿  
張邈尉杜勉陳巢之賈鏞楊溪趙琪安吉令楊宥曹友  
謀攝丞楊齊光康造主簿盧勝尉杜軫程希俊馬伯珍  
盧弼李滙包審武康令李汗張士若丞時向素鄭若水  
主簿孫必葉迅尉陳演長孫瑀杜重英呂液德清令范  
銘丞陸造錢箕尉孫演李光之桂林縉圖經云當大歷  
中湖州刺史別駕四員諸曹掾大率三員諸縣令丞尉  
各四員比唐志所載吏員相去遠  
甚故著此以俟博學之士稽攷焉  
敕書褒戰功記問將士詔書也以上唐之御製御書碑

宋皇帝御製戒石碑

碑在知州大廳前元祐中臣黃庭

興二年十月癸酉端明殿學士左朝議大夫簽書樞密  
院事權參知政事臣權邦彥左通議大夫參知政事福  
建江南西路荆湖南北路宣撫使臣孟庠左通奉大夫  
守尚書右僕射同中書門下平章事兼知樞密院事臣

秦檜特進尚書左僕射同中書門下平章事兼知樞密院事都督江淮荆浙諸軍事臣呂頤浩題跋

眞宗皇帝御製文宣王贊碑在州學太宗祥符元年十一月二十四日東封禮畢十一月

月十日車駕幸曲阜縣調奠先聖文宣王命刑部尚書

溫仲舒等分奠七十二弟子禮畢幸孔林是日詔先聖

加號元聖文宣王御製贊又詔禮部尚書張齊賢等次

日以太牢致祭詔衍公顏子進封兗國公十哲闕子以

下進封公曾子以下進封侯先儒左耶明以下進封伯

宣王廟刻御製贊并詔十一月一日奉敕

改諡曰至聖文宣王贊後所載者如此

御製文臣七條并詔在知州大廳眞宗皇帝所御製也

監知縣辭去之日普令拜賜追仁宗皇帝慶歷三年詔

頒天下朝奉郎守尚書金部郎中知湖州軍州兼管內

勸農事上護軍賜紫  
金魚袋臣馬尋建  
御製武臣七條在知州大廳眞宗皇帝  
仁宗皇帝獎諭守臣滕宗諒進柑子詩敕書在州學康



聖制御書手詔

在知州廳上徽宗皇帝御製御書也崇寧四年九月二十日奉聖旨摩勒於長

廳官

徽宗皇帝御筆御製辟雍手詔并大司成辟昂奉旨所

撰後序

在州學崇寧四年通判權州事林虞立

御筆神霄玉清萬壽宮手詔

在天聖寺自和元年八月十二日奉聖旨立石

高宗皇帝御筆御書孝經

在州學紹興十四年太守張守立

孝宗皇帝御筆獎諭守臣鄭作肅手詔

在郡廳以上宋朝御製御書碑

碑

漢故梁相費府君碑

在墨妙亭梁相諱汎字仲慮此邦之人也寶刻叢編隸書不著書撰

人名氏君名汎字仲慮官至梁相碑不載其鄉里及刻

石年月集古錄目其題額漢故梁相費君之碑碑云梁

相諱汎字仲慮此邦之人也其先季文爲魯大夫有功

封費因以爲姓秦項兵起

避地於此遂留家焉碑無建

立年月  
金石錄

漢故梁相費府君之碑篆額費君汎堂邑令鳳九江大  
中政之父也鳳以威宗熹平中卒碑載二子所終之官此蓋其孫均所立也故其銘有穆穆顯祖

之句也  
隸釋

費氏父子三碑

今並立於吳興校官之壁不知者指此爲碑陰趙氏亦有斯課隸釋

陳孝義寺碑

在墨妙亭散騎常侍御史中丞領大著作徐陵撰唐銀青光祿大夫使持節湖州諸

軍事湖州刺史上柱國常侍十代孫嶠之書

唐封崇孔宣父故事碑

在湖州府學元和四年刺史辛祕撰

文宣王新廟碑

在州學唐太宗開浙江西道觀察支使試祕書省校書郎鄭言撰并書蓋記刺

史令狐綯作廟本末記云西臨雷溪前橫荻塘梁壘爲橋編木爲欄今甘棠橋文宣王廟是也

德本寺碑

在文宣王廟陰胡季良撰

射堂記

在墨妙亭撰人姓名殘缺世傳顏魯公正書大歷十二年四月也實刻叢編云余家所藏顏

書較之惟張敬因碑與斯記爲尤精勁惜其皆殘缺也集古錄

項王廟碑陰述

在墨妙亭顏魯公書自湖州刺史字下六字刻缺

項王蔬食文

在墨妙亭卽遲述

干祿字書碑二

一在墨妙亭唐朝議大夫祿沂濠三州刺史上柱國贈祕書監顏元孫撰第十

三姪男金紫光祿大夫行湖州刺史上柱國魯郡開國

公眞卿書後跋云大歷九年眞卿於湖州刺史楊漢公重摹與

院紀勝云顏魯公石記唐人筆跡見於今者惟公重摹與

地在湖州所書爲世所傳惟干祿字書放生池碑尚多

見於人家而干祿字書乃楊漢公摹其眞本以譌缺遂

不復傳獨余集錄有之惟好古之士能知前人意之深則其煙沈磨滅之餘尤爲可惜也

石柱記碑在墨妙亭顏眞卿書記

斷碑二翰在墨妙亭一乾元元年鄖彤書

晉吳興太守謝公碑

在墨妙亭唐刺史兼侍御史裴清撰僧道銑書大歷七年歲在壬子

建於龍興寺卽今之報恩光孝寺

太守歷官記

在墨妙亭晉太守謝公碣之陰唐人所勒也蓋自晉王逸少泊陳任忠凡四十四人

湖州刺史題名記

唐廣德元年補闕內供奉李紆撰後

正元十七年刺史李詞又後題宋康定元年知州滕宗諒

白蘋洲五亭記

在墨妙亭唐太子少傅分司東都馮翊縣開國侯賜紫金魚袋白居易撰知州

事馬續書開成四年十月建又見金石錄

白蘋亭記

在墨妙亭唐殷中侍御史內供奉李直方撰前太僕寺主簿史鏞書并篆額後跋元和元

年夏節度判官侍御史王澹獲覽此作

白蘋洲記

在州大廳壁中和五年六月八日刺史孫儲撰軍事判官前鄉貢進士王溥書

修河漚記

在州治寶文閣直學士程大昌撰數文閣待制沈振書數文閣待制賈選題蓋紹熙三年

三月

湖州紀功碑

在甲仗庫唐元和中將仕郎前太常寺奉禮郎時元佐撰蓋紀刺史辛祕平賊臣李

錡之

黨也

大寧寺建功德碑 在報恩光孝寺試大理評事兼武康縣令韓章撰前衢州龍邱縣尉徐浩

書唐大歷六年建

袁高茶山述

在墨妙亭唐朝議大夫使持節湖州諸事刺史護軍賜紫金魚袋于頔撰

朝議郎前滁州長史上柱國徐璠書蓋述刺史袁高所作茶山詩也

賈刻叢編唐湖州刺史袁高撰前滁州刺史徐璠書湖州之顧渚山歲備茶貢高爲刺史感其

采製之勤而作是詩其後于頔爲刺史得之於壞垣爲之序而刻之真

元七年五月

烏程令韋公德政碑

在烏程縣治唐至德二年沈務本撰沈仲昌書文多漫滅宋嘉祐中

知州楊紘摹題額九

字刻石今在墨妙亭

沈府君墓銘

在墨妙亭諱縉字章甫乾元元年京兆章卓撰并書

胡夫人墓銘

在墨妙亭大中十二年鄉貢進士李翊述并書

吳氏墓銘

在墨妙亭太和九年吳季良書

金氏墓銘

在墨妙亭大中十二年鄉貢進士李翊述并書

湖州州學記

碑在州學慶歷中張方平撰蔡襄書

修架閣樓記

碑在樓下元祐七年左承議郎簽書節度判官廳公事朱振撰

宣德軍節度判官廳壁記

天聖八年朝奉郎大理司直監察御史節度判官張旻撰

吳興倅廳題名記

嘉祐六年祕書省祕書郎通判軍州章衡撰

銷暑樓記碑

在樓南宋朝元祐五年呂昇卿撰并書

浮玉亭記

在亭中天聖四年承事郎太常寺奉禮郎簽書

國子博士知安吉縣事尹希古書

迎春橋記

在今駱駝橋下大中祥符五年將仕郎守大理評事通判軍州胥偃撰

儀鳳橋記

在橋上天聖三年承奉郎守太常寺奉禮郎簽書宣德軍節度判官廳公事鄭戩撰

廳梁題字記

元祐二年林希題在郡治

修造倉庫橋梁記

治平二年徐仲謀撰在郡治

會景樓記

治平二年徐仲謀撰在郡治

秦篆嶧山記

在墨妙亭慶歷戊子摹刻參知政事宋庠跋

寶章法帖一部

在墨妙亭元祐中劉焘被旨摹刻

梁太守柳惲并寇準江南曲

在墨妙亭至和二年刻

唐太守楊漢公杜牧詩

在墨妙亭天聖四年王秩刻

張逸碧瀾堂陳堯佐芳菲園詩

在墨妙亭天聖九年凌景陽八分書

東坡六客詞

在墨妙亭元祐六年撰

東坡墨妙亭記

紹興丁卯蔣燦書重刻

陳吏部修城記

在墨妙亭紹興十年陳之茂撰

舞綃堂記

在墨妙亭乾道八年齊慶曾撰

書記廳集虛堂記

元豐三年將仕郎試校書郎權掌書記陳師錫撰

重修開元觀碑

在今天慶觀淳化四年登仕郎國子博士知婺州事刁衍撰

吳興靈鶴贊

在天慶觀唐白居易之作也宋朝雍熙四年知州事鄭建爲之序始刻石焉

三住銘

在天慶觀唐施肩吾撰宋慶歷四年左著作郎葉綱書

廣化寺嚴華一分塔銘

碑在寺慶歷二年宣德郎守太常博士集賢校理知州軍事胡

宿撰

廣化寺瑞閣記

碑在寺政和五年續雲葉夢得撰并書信安程俱題額

顏魯公祠堂記

在廟中嘉祐七年尙書屯田員外郎知州事張田撰



郭尙書廟記

在廟中端拱元年太常博士權知州事鄭建撰

曹王廟記

在廟中

靈濟王廟記

在廟中

通靈王廟記

在廟中

項王廟記

在廟中

貢院記

在貢院中

商稅務記

在書務內以上六記年月撰人名氏各見逐處下

石曼卿經史閣三字

在州學

石曼卿敕建州學四字

在州學

劉焘稽古閣三字

在州學

重建學田記

在州學顧臨撰大觀元年重刻

重繪三禮圖記

在州學紹興中劉一止撰闕注書

米元章魯公仙傳

在魯公堂元祐三年立

程舍人魯公堂懷忠堂記

在魯公堂隆興元年立

王狀元魯公堂三詩

在魯公堂乾道四年立

趙直閣祠堂記

在魯公堂乾道中江都仲并撰唐琢立

東坡先生祠堂記

在魯公堂淳熙八年蕭德藻撰胡南逢立

### 烏程縣

唐大光和尙神異碑

在法華寺乾寧中丞相李紳撰見舊經

唐大光和尙道蹟碑

在法華寺祕書郎陳文在撰見舊經

唐丞相李紳墓碑

在真山乾寧三年立見舊經

唐吳興邛氏墓碑

在縣西晉水鄉麻谷元和四年立見舊編

唐古山索靖廟碑

在本廟並見舊經以後

吳越回文綬帶連環詩碑

在法華寺鎮國軍節度使錢惟治作九十首

宋道場山千聖殿碑

在本寺太平興國三年安德軍安撫使知湖州錢信記

瑞現禪院大聖碑

在喜宥院端拱二年祠部外郎鄭偃記

西余山弄雪亭碑

歷在大覺寺慶中胡宿記

何山定化院碑

在本院熙寧八年朱臨記

卞山龍王廟碑

在本廟熙寧六年朱臨記

何氏讀書堂碑

在何山寺汪藻記

葛仙翁祠堂碑

在普照院葛立方記

真武畫像碑

在佑聖宮丞相沈該贊丞

歸安縣

唐重置興國寺碑

在無爲寺見舊編

唐永興寺僧伽和尚碑

在鹿苑寺元和九年十月二日立前左武衛兵曹參軍裴述撰費

濤書胡季良篆額和尚姓何

唐永興寺冥道記

在鹿苑寺咸通四年沙門簡章述并書

縣令戴公生祠記

在鹿苑寺鄉貢進士張先述

唐東林土地廟記

南園記碑

南園在郡定安門內橫塘隸本縣界向來沮

塘有爲司農卿時卜宅於其傍開拓浸廣號曰南園臺閣亭榭四時花卉俱富爲諸園冠慶元二年煥章閣學

士洪邁爲之記

長興縣

陳周宏正報德寺碑

在大雄寺內

陳徐陵撰報德寺塔銘

在大雄寺子院

唐沙門靈皎城山寺碑

在慈氏院元和中撰

唐沙門清晝魚陂明禪師塔銘

在空隱院

晉謝太傅塘碑

舊在謝公鄉至唐天寶盜起碑刻不存大歷中刺史顏真卿取舊史遺文刊石

而書其陰今碑尚在墨妙亭

宋朝縣令新廳事碑

在縣治

縣令許祕丞長興利便事碑

在縣治

墓田碑

大觀三年立

杜槩長興雜詠

子希爲郡守刻字墨妙亭

修謝太傅廟碑

治平四年知縣吳濤作在本廟

武康縣

唐大慈寺鐘記在本寺唐縣令韓章撰

吳越大安禪寺佛殿記在本寺

吳越風山靈德王廟記在本寺

宋重建縣學記在縣學淳熙十五年郡人蕭德藻作

敕賜淵應廟碑在本廟建中靖國閒毛滂作

### 德清縣

梁沈氏述祖德碑按顏魯公集南齊徵士沈麟士製立於金鵝山歲久殘闕乾元中爲盜火

所焚碑首毀裂嶽然將墮過江二十餘葉孫御史中丞震

移牒郡國請葺屬兵凶曠而莫修忽有仆樹生於龜腹

盤根抱趾聳幹夾碑疑如工造鬱若神化敬者復正危

者再堅號慶樹碑其後碑爲十六段在縣獄中魯公大

書其陰元祐中太守林希刻石記其事云以顏集補其

闕凡百有十四字不可補者十字舊碑今不知所在林

公石刻在

大唐興禪寺碑

舊二板六字字皆徑三尺體勢壯逸相傳燕公張說書寺在德清三市鎮今號

覺海故令陳之方愛此字龜於乾元寺壁開元祐三年取置墨妙亭之東楹書板不存今止有臨本小字石刻

唐李該靈泉記

景祐四年縣令賈充重刻

羅漢禪院記

在明因院

八聖寺記

在本寺

重修至聖文宣王廟碑

在縣學

重修孔子廟碑

法鑒講師塔銘

在覺海寺

葛清孝公仙潭雜詠碑

在墨妙亭

重修縣宇記

在縣小廳

趙知縣生祠記

在乾元寺

唐大慈寺鐘記

在本寺唐縣令韓章撰

吳越大安禪寺佛殿記

在本寺

### 安吉縣

唐施明侯記

在本廟

歷年圖碑書錦堂碑

並在縣學韓磊刻

### 食用故事

酒 顧長生三吳土地記云烏程縣舊有程林氏烏巾氏秦時二家能釀美酒遂名縣漢梁孝王兔園會招鄒枚司馬之徒賦烏鄉酒故張景陽七命云酒則荆南烏程注荆溪之南非江陵之荆南也按吳興有荆溪源出荆山舊編云卽此溪也又白居易有錢湖州寄箬下酒



詩云勞將箬下忘憂物寄與江城愛酒翁按長興有上箬有下箬溪輿地志夾岸悉生箭箬南岸曰上箬北岸曰下箬釀酒醇美俗稱下箬酒韋昭吳興錄云烏程箬下酒有名吳興記云上箬下箬村並出美酒劉夢得詩云鸚鵡杯中箬下春藝苑雌黃云說者以荆南爲荆州非也卽烏程荆溪之南耳漁隱叢話曰藝苑雌黃以箬下酒爲烏程酒誤矣

茶 陸羽茶經曰浙西以湖州上常州次湖州生長興縣顧渚山中常州義興縣生君山懸腳嶺北峰下唐義興縣重修茶舍記云義興貢茶非舊也前此故御史大夫李栖筠典是邦僧有獻佳茗者會客嘗之野人陸羽

以爲芬香甘辣冠於他境可薦於上栖筠從之始進萬  
兩此其濫觴也厥後因之徵獻浸廣遂爲任土之貢故  
玉川子詩云天子頃嘗陽羨茶百草不敢先開花舊編  
云顧渚與宜興接唐代宗以其歲造數多遂命長興均  
貢自大歷五年始分山析造歲有客額鬻有禁令諸鄉  
茶芽置焙於顧渚以刺史主之觀察使總之裴文茶錄  
云顧渚蘄陽蒙山最上其次壽州陽羨李肇國史補云  
蒙頂第一顧渚第二宜興第三郡國志云顧渚中者與  
夾州同生桑孺獅二鴨白苧山懸腳嶺者與襄荊申三  
州同生鳳亭山伏翼澗飛雲曲水二寺青峴啄木二嶺  
與壽州同貞元五年置台溪焙喬衝焙焙歲貢凡五等第

一陸遞限清明到京謂之急程茶張文規有詩云牡丹  
花笑金鈿動傳奏吳興紫筍來李郢詩曰十日王程路  
四千到時須及清明宴其餘並水路進限以四月到貞  
元初刺史袁高茶山詩曰黎毗輕耕農采掇實苦辛一  
夫且當役盡室皆同臻捫葛上歛壁蓬頭入荒榛終朝  
不盈掬手足皆鱗皴悲嗟遍空山草木爲不春陰嶺芽  
未吐使曹牒已頻可見當時之害民亦不少又與毘陵  
交界爭耀先期或詭出柳車或宵馳傳驛爭先萬里以  
要一時之澤貞元八年刺史于頔始貽書毘陵請各緩  
數日俾遂滋長開成三年刺史楊漢公表奏乞於舊限  
特展三五日較從之先是兩州析造時供進五百串稍

卅至二千串會昌中至一萬八千四百斤每造茶時兩州刺史親至其處故白居易有詩曰盤上中分兩州界燈前合作一家春青娥遞舞應爭妙紫筍齊嘗各鬪新統記云長興有貢茶院在虎頭巖後曰顧渚右所射而左懸曰或耕爲園或伐爲炭惟官山獨深秀舊於顧渚源建草舍三十餘間自大歷五年至正元十六年於此造茶急程遞進取清明到京袁高于頤李吉甫各有述至貞元十七年刺史李訥以院字隘陋造寺一所移武康吉祥額置焉以東廊三十間爲貢茶院兩行置茶碓又焙百餘所工匠千餘人引顧渚泉互其間烹蒸滌濯皆用之非此水不能製也刺史常以立春後四十五日

入山暨穀兩還

鹽 郡去海遠土不產鹽舊人戶計口納丁鹽錢計四萬三百三十貫有奇歲給鹽一萬四千五百餘石續圖經云今不給鹽錢又捐折

飯 舊圖經云稻米有名十里香師姑杭炊飯以師姑杭一斗雜以十里香一升自是芬香發越

烏飯 統記云夏至日以南燭草染糯作烏飯僧道尤高此食南燭草卽今黑飯葉也今俗四月八日造以供佛因相饋送

鱠 吳興記云唐昭德操刀運砧翼從風隨紅綜素縷紛紛罪罪好事者嘲之曰鱠若值吳縷細花鋪若非遇

吳費醋及葫江東呼蒜曰葫蘇東坡云吳興庖人斫松江鱸膾亦足以一笑鄉土以膾爲盛饌每遇上客新姻慶賀必設此盤飭羅列更無別味膾匠十數爲曹凌晨立魚肆視所買多寡而往裁紅縷白鋪成花草鸞鳳或詩句詞章殊得其妙造齋亦甚得法所謂金齋玉膾又有骨淡羹每斫膾悉以骨熬羹味極淡薄自有真味食膾已各一杯本草謂凡物膾能消肉正以食之必多用此羹也長興所造尤薄僅如蟬翼他處所不及魚羹 吳興記云平望車溪出美魚諺云曲阿不食平望不羹爲失味今鄉閒魚肥而鮮爲羹甚美不特車谿也

鮓 唐張文規郡齋書情云食有吳興鮓蔡寬夫詩話云吳中作鮓多就谿池中蓮葉包爲之後數日取食比瓶中者氣味特妙白居易詩曰就荷葉上包魚鮓當石渠中浸酒尊昔人已有此法鄉間取大魚切作片用礪米屑荷葉三數重包之謂之荷包可以致遠非就荷上作也閒用精肉旋鮓就池荷包裹數刻可供蓋荷葉性惡肥膩多作能害荷

水菜 舊編云合溪蘆菹極脆美水亦甘潔土人就以水滌漬入鹽爲水菜甚有名壘置以饋送

蒸嘗菜 統記云土人以蘋爲蒸嘗菜

酥 俗稱烏戊乳酥最佳又爲花果魚鳥之屬以爲盤

匱之華可用寄遠大抵鄉閒畜牛之家例能爲酥及乳漆器安吉長興武康山多漆市行漆器舊頗有名元豐閒嘗供三十事今器不迨昔不充貢

陶器 括地志云德清市亭山陶器大甕容三十石小者二十石名之曰礪餘處無此大器也

銅鏡 大寧寺有章后鏡一面郡舊有銅甌工人鑄造得訣小大方員照鑿若一官禁銅鏡漸難得工價廉器亦不迨昔

沙盆 山谿沙有細者貞元十五年進沙盆一百枚

魚脯 舊編儀鳳橋南有魚脯樓吳越錢氏於此曝魚脯修貢上國今鄉土魚脯甚美春月尤多作以供盤飭



事物雜志

州治

聖火 南史紀齊永明十一年有沙門賈赤火以療疾  
貴賤爭取之多得其城都下咸曰聖火詔禁之不止火  
灸至七炷而疾愈吳興正國資密以還鄉邑人楊道慶  
虛疾二十年依法灸卽瘥

潮 吳均吳興假還山夜發南亭詩曰浮舟聽潮上李  
宗諤圖經云荆谿至吳山下每日潮高二尺倒流七十  
里云是吳王送女潮今攷吳江太湖俱無潮不知荆谿  
之潮何道而至今無之

香 巾山在湖州山下有無價香有老母拾得一大石

光彩可玩偶墜火中異香聞於遠近收而寶之每投火中異香如初出洪藹香後譜

歌舞 于競大唐傳云德清縣西前溪邨則南朝集樂之處今尙有數百家習音樂江南聲妓多自此出所謂舞出前溪也復齋漫錄云陳劉刪詩云山邊歌落日池上舞前溪唐崔灝詩云舞愛前溪妙歌憐子夜長按古今樂錄晉車騎將軍沈作前溪歌而非舞也蓋復齋不曾見于競大唐舞出處耳

水嬉 統記清明日撓彩舟於溪上爲競渡之戲謂宜田蠶按藝苑雌黃云南方競渡治其舟使輕利謂之飛鳧又曰水車又曰水馬相傳以爲始於越王句踐蓋斷

髮文身之俗習水而好戰古有其風而荆楚歲時記則曰五月五日爲屈原投汨羅人傷其死並將舟楫拯之至今爲俗鄉土止是寒食日爲之至清明日止又古集載太和末杜牧自御史出佐沈傳師宣城幕聞湖州爲湖西名郡風物妍好且多麗色往遊之刺史崔君喻其意悉致籍妓牧殊不愜牧曰願得張水嬉使州人畢觀俟其雲合冀忽有閱史君如其言至暮兩岸觀者如堵云云

舟 郡爲澤國動須舟楫之利大者至數百千斛輕檻華麗率用撐駕小者僅進三五人人用一楫出沒波濤最爲輕快舊編云安吉水多湍瀨舟皆剡木爲之有太

古制長興之舟皆短後又有販鮮魚小舟不及百斛用四五櫓者頃年過客及郡官和顧舟船率下兩邑吏或攔捉民間船隻應副而航戶計囑牙僧避免慶元中知州事李景和括責在城應管航船載戶將張二等共一百八十五隻置籍在官遇有差顧照籍以次輪差行之年餘尙未差遍旣得均當且免逐時攔捉搔擾

鐘 詩眼云南史載王仲孚烏程人少好學讀書常以中宵鐘鳴爲限又阮景仲爲吳興太守禁半夜鐘唐詩有姑蘇城外寒山寺夜半鐘聲到客船半夜鐘吳中舊事也今鄉中諸寺至四更五點皆鳴鐘鐘聲絕則轉五更未知此卽中宵鐘否也

吳歌 唐劉禹錫竹枝歌云楊柳青青江水平聞郎江  
上唱歌聲東邊日出西邊雨道是無情也有情苕溪漁  
隱曰余嘗舟行苕溪夜聞人唱吳歌歌中有此後兩句  
餘雜以俚語今之舟人樵子往往能歌俗謂之山歌卽  
吳歌也

畫 舊編云光孝寺山門後壁有唐人所畫佛像有神  
人臂鷹者毛羽雖皴剝至今樑棟閒鳥雀不敢集又大  
中祥符寺佛殿後壁有畫水一堵望之洵湧真名筆也  
又統記云張僧繇爲吳興太守畫白塔寺彌勒佛菩薩  
像世稱奇妙

玄真子 唐書張志和字子同金華人明經擢第不願

仕游江湖自稱煙波釣徒又自號玄真子顏真卿爲湖州刺史志和來謁真卿以舟敝請更之志和曰願爲浮家泛宅往來苕霅間有漁父詞五首其三曰霅溪灣裏釣魚翁舴艋爲家西復東江上雪浦邊風笑著荷衣不歎窮

桑苧翁 唐陸羽字鴻漸初隱居苧山自稱桑苧翁撰茶經三卷常時閉戶著書或獨行野中誦詩擊水徘徊不得意或慟哭而歸時人謂今之接輿

陸魯望 唐陸龜蒙字魯望少高放通六經大義尤明春秋舉進士一不中來湖州從刺史張搏游搏辟以自佐又嗜茶置園顧渚山下歲取茶租自判品第

裴子野 梁裴子野本河東人寓居湖州之故鄣著宋略在縣治西南三十六里永昌鄉

張東遷 宋張岱辟州從事累遷東遷令時殷仲爲吳興太守謂人曰張東遷親貧須養所以棲遲下邑然名器方顯終當大至後爲司徒佐西曹掾母年八十注籍未滿岱便去官從實還養

吳興八絕 統記云吳範善歷數知風氣劉惔善星文趙達能算嚴武善圍棋宋壽能占夢皇象能書曹不興善畫菰城夏嫺善相謂之吳興八絕徐陵烏程孝義寺碑曰八絕之技依然是也

吳興三絕 刺史張文規詩曰蘋洲頓覺池沼俗苧布

直勝羅綺輕清風樓下草初出明月峽中茶始生吳興  
三絕不可捨勸子強爲吳會行

吳音不變 宋邱深之吳興烏程人位侍中都官尙書  
宋世江東貴達者會稽孔季恭子靈符吳郡顧琛及深  
之吳音不變

張纘一盃酒 吳興吳規張纘一盃酒殺吳氏三人出  
南史纘傳

吳興僕射 沈文季梁延興中爲尙書右僕射尙書令  
王晏嘗戲爲吳興僕射

吳興郡公 姓氏錄梁姚宣業爲吳興郡公

吳興別駕 統記云宋吳興別駕沈懷文



吳興祭酒 統記云宋齊祭酒孟景翼

湖州文學 楊國忠會諸親時知吏部銓事欲大噉呼  
選人名引入中庭不問資序短小者補州參軍胡者與  
湖州文學廉中大笑出韋絢述劉禹錫佳話

吳興郡疏 宋吳興太守王韶之撰一卷

吳興雜詠 唐志張文規作七卷

吳興記 山謙之作見酒下

吳興錄 韋昭作見酒類下

吳興山墟名 張玄之作見統記援引不一又云晉吳

興太守王韶之撰吳興山墟名二卷

三吳土地記 顧長生作

吳興志 陸羽作見陸羽集

吳興統記 景德中湖州攝長史左文質纂十卷

吳興詩集 熙寧中知州事孫覺裒次爲三卷自晉至

唐凡二百首

武康土地記 唐福州侯官尉沈常撰一卷

餘英志 慶元中鄉貢進士劉瞻撰二卷

吳興續圖經 紹興中教授同郡官編

吳興志舊編 淳熙中教授周世南同學職分十二卷

烏程縣

下菰城 在縣南二十五里吳興記云春申君黃歇於

菰城縣起樓連延十里西接黃浦吳錄云吳時鄭姬善

相居此餘見郡志菰城下

古卜城 統記云在縣西南六十里宋略云龍驤將軍益州刺史卜天興所築因以爲名

古戶城 統記云在縣西十九里吳孫皓時置文皇帝陵戶二百家城於此

邛城 舊編云在縣北十八里近太湖漢邛氏所居也吳越錢氏嘗築城屯戍以拒南唐城今尙存紹興間亦嘗牧馬

鳩茲城 顏真卿石柱記有春秋鳩茲城

避宅城 在烏程縣杼山見本寺碑

歐陽亭 舊編云在縣東十六里地里志云烏程東有

歐陽亭以其亭在歐山之陽也

烏亭 舊經云在昇山巖之所造以烏巾氏所居今廢

顯亭五花亭 顏真卿石柱記云顯峴山上有顯亭五

花亭顯亭晉殷康造五花亭唐韋景先造見舊編

昆山亭 舊經云在昆山梁太守柳惲所創惲與郡主

簿吳均有昆山詩贈答

三癸亭 在杼山碑云三癸亭顏延之卿造處士陸羽以

其建於癸年癸月癸日故名真卿與李萼陸羽僧皎然

皆有賦杼山三癸亭詩

伍子胥宅 舊編云在縣東南六十里伍林村昔子胥

逃難築室於此舊基尙存

正路 舊經云在縣南七里昔鄉人正傑年十三鄰人胡氏築牆侵界傑乃夜移籬退三尺胡氏慚復退二尺遂成大路至今爲謂正路

項王走馬埒 山墟名云卞山有項王走馬埒飲馬池山上又有項王繫馬木石閒又有項王馬跡也

仙人頂 舊編云在縣西二十里棲賢村山上有石洞舊傳有仙人居此故名仙人頂或傳齊田常之亂管仲之後逃難入吳楚有居此者今山多管氏然不見書傳也

三碑 舊編云昔有漢三費碑在其鄉因以名其鄉今移在烏程縣墨妙亭按統記云顧祕虞潭謝安三碑在

郡南道西徐陵孝義寺碑云三碑之風可仰蓋顧祕處  
潭謝安皆爲郡守事必有證

石簣 輿地志在烏程縣有卞山之東足有一石簣  
高數丈殷康欲開風雨晦暝而止

石罇 在烏程縣峴山唐開元中李適之爲湖州別駕  
每視事之餘攜所親登山恣飲望帝鄉時有一醉後適  
之爲相土人因呼爲李相石罇大歷中刺史顏真卿及  
門生弟姪多攜壺榼楫以浮乃作故李相石罇晏集聯  
句詩序云因積溜淥石嵌爲罇形公注酒其中結字環  
飲之首句云李公登飲處因石爲窪罇見吳興詩序

金井玉瀾乳竇石膏溫泉 顏真卿石柱記云卞山上

有龜洞金井玉淵乳竇石膏溫泉舊編今大玲瓏山朱氏所居有水名玉淵

蒲帆 楊漢公開塘得蒲帆因名其塘

烏程侯 吳志孫皓封烏程侯晉史書周玘封烏程侯  
烏程公 晉書周玘封烏程公

石林 在烏程縣卞山大陽鳴尚書左丞葉夢得所居  
也有居一區旁曰石林精舍其正堂曰兼山析廡各爲  
軒曰負日曰躋雲前有池以聚衆流曰碧琳有東西兩  
巖其東有二亭曰巖居曰真意又東有堂曰承詔堂後  
有石環立最爲殊勝上有亭據險以望太湖曰知止其  
西有菴曰淨樂有堂在精舍之前曰求志有堂在西山

之下曰從好

隱安 在烏程縣菁山前太守葛勝仲之別業也外有溪澗澄澈清泚嘗與釋子贊能流觴其上以蜜漿代酒酥代肴賦詩爲樂見丹陽集

夢馬堂 朱勝非紹興四年四月二日其母魯國太夫人楊氏卒勝非扶護卜地於吳興華嚴山嘉會寺前夢夜十騎入山衣服錦繡鞍勒鮮華回旋寺前以一馬繫於林中餘復馳去次夕又夢有衣冠之士容狀甚偉跣其二足入寺厲聲言我來定地寺有寄居石大順秀才亦夢之因請於朝以嘉會爲墳寺改號崇因薦福依北方墓法作大塚塚前起獻堂以夢馬名之



松蒲落處卽是穴 內翰葉清臣欲葬其母永安太君  
夢有謝秀才來謁云松蒲落處卽是穴翌日至倪陽適  
有松蒲墮其前遂卜地於此還至王村見廟像恍如夢

中

朱長馬作粥散貧民 朱服之祖爲湖州長馬慶歷庚  
寅會歲饑以米八百斛作粥散貧民是歲其子臨生服  
後遂顯貴詳見主學王定國三槐錄

歸安縣

千金墟 舊編載統記云漢吳王濞鑄錢於銅峴山置  
府庫於此故名千金墟興國寺碑云晉王衍嘗居之  
泛金溪 獅子吼寺碑云本泛金而爲號人駕鶴以曾

游今其村水號泛金溪云

仙潭 見上葛清孝公有仙潭雜詩刻在墨妙亭

火爐頂 舊編云在東林山上回仙錄云葛洪嘗煉丹於此昔人曾開巖頂得芋炭數斛內有雙陶合牢不可啟擊破視之無物山下有煉丹九井尙存山之東有谿曰仙谿谿口有龜澤鳳澤

錦墟 舊編云在上絕山吳興記云山有花卉村多海棠薔薇紅躑躅朱藤二三月花發名爲錦墟舊編又載章浦在縣東百二十五里今不在縣界

### 長興縣

晏子城 在縣西南百二十里晏子鄉吳地志云齊晏

子娶吳王女築此城

舊編云今耕者每得黃金狀類四角菱花焰燦燦名晏子金有客題

詩云豚肩不掩豆一裘三年後黃金出其然不其然

卑夫槩城 卽今縣郭也跨箬水之深據戍山之險狹而且長故曰長城舊編云義集之士百十爲羣時號大義軍故長城今名大義村

上槩村 在吳山東南卽夫槩故名

故長城縣城 地志云在縣東南一十八里晉太康中分烏程置長城縣於富陂村卽其地也至成帝咸康中始徙箬谿北

故鄣城 在縣西南一百二十里吳地志云秦滅楚置鄣郡於此舊編云今攷自西漢初郡廢立故鄣縣置至

唐省入長城太平寰宇記云俗號府頭是也今與安吉  
谿鎮北相接屬長興管下其地皆成良田尺磚寸瓦無  
子遺圖經云秦置鄣郡漢吳王濞反後郡廢爲故鄣縣  
縣以後縣亦廢今名故鄣城

後府城 在縣西南一百九十里吳地志云吳文帝所  
築圖經云太子和築

九里城 在縣西南九十里

四安府 在縣西南六十九里隋大業九年置爲鷹揚  
府續以四安山爲名

東林城 在縣西南四十八里

西林城 在縣西南四十八里接東林二城悉吳時築

今廢圖經云皆在西南四十八里

城山城 在縣南五十里吳地志云是時嚴白虎與呂蒙相拒於此

大騎城小騎城 皆在縣西百二十里吳地志云吳王溥築爲馬廐

朱城 在縣東南二十五里輿地志云昔烏程侯嚴白虎遣女壻朱叔廉來築故名

長城宮 在縣西二里陳文帝天嘉元年置今大寧寺後已上見統記諸書

虔亭 在縣西北懸腳嶺下吳孫權建安二十三年嘗擒虎於此唐初沈法興使其將蔣元超與李子通戰於

慶亭卽此寶華唐書音訓云慶亭在吳興

臥冰池 在縣西南六十里方廣十餘丈舊編云故老

相傳以爲王祥臥冰之所其石刻沒於水旱歲或見

陸滙 在縣東三里唐陸龜蒙別業在焉陸龜蒙居吳

江在吳東別業在陸滙卽湖西有震澤別業在詩三十

首今旁近居民皆陸姓

玉寶泉 在落陽深廣皆二尺色紺碧味甘唐處士鄭

遨與道士李道殷羅隱築室於泉口號三隱紹興中侍

郎錢伯言有碑

三仙石壁 在落陽五代時高士韓必吳崧有道能煉

金丹錢王遣羅隱招之二人隱入石壁中

白石洞天 在八座山側唐仙韓湘隱於此山有二井深不可測陰則有雲霧自中起舊編云舊傳與張公洞相通

釣臺 在縣西北三十里石壁兀然如屏高五十餘丈陳高祖微時垂釣之處其頂平夷有池號陳高祖磨劍池池下有驚湍前有彈子鵞相傳陳高祖垂釣時飛彈於此

石麒麟 在縣治西二百步大雄寺南陳始興昭烈王明陵前高九尺傍有號麒麟巷

聖井 在縣東廣惠院有五井其一晉永嘉中陳氏遠祖所穿高祖初生井泉湧出家人汲以浴之今謂之聖

井餘四井亦陳時所鑿

陳文帝四鼎 在大雄寺

陳高祖竹牀竹帳 在大雄寺殿內

陳五主眞容屏風 在大雄寺大著作徐陸所畫舊編

云四鼎竹牀竹帳屏風會昌中寺廢皆散失

陳朝檜 在大雄寺殿前檜中空裂爲四枝蔭半庭堅

如金石相傳陳高祖手植號陳朝檜內翰汪藻文康公

葛勝仲皆有詩詠

下箸酒顧渚茶

吳王送女潮

梓材巾箱

並見郡志



石鼓 夏駕山一名石鼓山有石鼓高一丈徑三尺下有盤石爲足諺云石鼓鳴則三吳有兵括地志云石鼓作金鼓鳴亦魏郡雲陽石鼓之類吳興志云五行志並說

崔祐前銘 崔植銘

崔趙村 在卷畫溪之後右崔卽唐相祐甫之後家藏韓愈所作祐甫墓銘雖蟬腐而翰墨精采如新又藏崔植崔逖等誥數軸吏部尚書顏真卿吏部侍郎說尚書上柱國邕知制誥李揆吏部尚書林甫平章事墀筆跡並存其家寶之官爲獨其丁錢

武康縣

赤眉城 在縣西南三里石城山山下漢赤眉入寇築城此地邑人保山之上形勢便利城保山腳失利之地大則敗而走舊編云山頂有五馬堂

牙門城 在縣北五里鳳凰山梁侯景寇建業邑人司徒長史牙門將軍沈子春令宗族築城於此因以爲名餘英志云二城今皆爲桑柘地

金井 在縣東北十五里梁沈傳以孝行聞嘗夢人遺金既覺因濬井得銅瓶中有金五十兩卽此井舊編

神鐘 大慈寺有神鐘記唐縣令韓章撰云大歷五年僧神晤欲爲寺緣化鑄鐘忽聞空中鐘聲徹數十里遠近驚聞及鐘成聲與向所聞無異後事達於朝命輦至

關中至敢山谿舟沒沈水取不復得

美人石 見阮公谿下

虎跑泉 見護國禪院下

連理石榴 統記載祥應圖云齊永明元年吳興武康沈榮家有石榴連理太守楊文崇聞奏

德清縣

前谿 在縣南有前谿坊後谿坊按于競大唐傳德清縣前谿村則南朝集樂之處見郡志雜志上歌舞門將軍城 在縣南二百里吳憾山上唐至德二年太尉李光弼偏將軍辛牧所築平朱覃姚廷等賊

陸市 在縣南十五里舊爲市一夕平沉居人遂徙而

東去所謂新市也陸市今爲谿港下有階基礎石甚多  
水淺天晴歷歷可見舟過竹篙着底磚石相擊有聲人  
或得錢鐵陶瓦之器今有巡檢廳

敢山谿鐘 在縣東唐天寶中有僧神晤在武康寶相  
寺鑄鐘卽今大慈寺是夕有星臨照鐘聲中律呂朝廷  
聞之遣人求取載至敢山谿鐘沉水每遇大旱水涸或  
聞鐘聲武康大慈寺有唐碑載其事

孝鵝冢 在縣東蔣灣唐天寶中邑人武義主簿沈朝  
家一母鵝將死其雛悲鳴不復飲食母鵝死雛銜敗薦  
以覆之又銜芻草若祭之之狀向天號叫遂死其旁沈  
氏函二鵝葬於此後人呼爲孝鵝冢

盧發源之父能吟詠 宋朝盧發源之父正議德清人  
有詩云青衫白髮老參軍旋糶黃梁買酒樽但得有錢  
留客醉全勝騎馬傍人門又有一詩云十月都門風薄  
衣夜砧聲裏雁南飛野人不羨長安樂且趁鱸魚一飽  
歸見姚氏殘語

他日當能振辯才家風 宋朝僧若愚字谷老姓馬少  
於覺海寺出家後從參寥從龍口辯才傳教俱有詩名  
東坡見師詩許之曰他日當能振辯才家風惟嫉惡嘗  
與妖僧訟於朝妖僧竟抵罪有詩文一集號餘塵編

安吉縣

孔子井 在安吉縣西南一百三十里俗傳云孔子游

此鑿井而飲按史記世家孔子未嘗游吳此井未詳所  
自

邸閣山 三國時用兵聚糧皆至邸閣猶轉般倉吳都  
金陵故爲邸閣於此今俗書爲邸角字隨音轉爾

王祥宅 在梅谿瑞竹里

隱鳴 太平寰宇記梁陶貞白嘗隱居於此

陳高祖爲舟木 在安吉縣梅谿之曲

花渚 梅谿鎮西吳越征西將軍吳環之所居其後裔  
可幾知幾作堂其中號二吳讀書堂長與令林槩有詩  
刻其內

銀坊 在移風鄉古采銀之處以上見舊編

蛟龍池 在安吉縣

翔鳳林 在安吉縣

裴子野故宅 梁書裴子野本河東人寓居吳興之故鄣著諸侯略其宅在故鄣縣西南三十六里永昌鄉長興有至德鄉舊名永昌鄉或恐未必然

周弘讓故宅 卽弘政之弟也弘政爲安吉縣令乃居山結宇耽玩文史其宅在縣西南三十六里永昌鄉

姚萇塵尾扇鐵樓書鎮 曇諦法師石磬

兩生墳 在縣北三十里釋曇諦姓康氏前生爲崇覺法師與姚萇講法華經後生爲曇諦法師居崑山寺前後兩生均葬於此高僧傳云曇諦年十歲隨父彤將之

樊鄧路逢僧碧諦呼曰碧碧曰童子呼吾諦曰汝不以  
吾爲弟子時采菜被猪傷手碧驚問其父父曰其母初  
夢一僧寄塵尾扇鐵樓書鎮既覺二物俱在因出以示  
碧碧曰此乃崇覺法師之後身也碧崇覺之弟子與姚  
長講法華經碧爲都講論

施世英金鐘 已上見顏魯公石柱記

史家長吐氣噓花 史家長少有道術日遊廛市落魄  
不羈言人災福往往多應窮冬折枝吐氣吹之須臾生  
梧蘆又噓之則花開方臘之亂郡守使人問之以一書  
附回及開緘大書明年春三月者取去賊滅果方臘被

拾



吳興志卷十八